

مسلك اجتماعى

علم اجتماعى نعيم زمائل اجتماعيه مزه نطبيس ابر .

علم اجتماع مسلك اجتماعى به مركز خلقت اولدينى
كچى مسلك ده توركيه نك اك وجداني اولادلرينه
بر مركز استناد !

[صباح الدين بك ، مسلك اجتماعى و پروغرامى .]

مدير دياسره محمد : محمد على

برنجى سنه — ٦ نجى جزء

صباح الدين بك افندي نك

وضعيت حاضره قارشيسنده وجدان مى به خطابى

اصلاحات حر كمتنده حقيقى بر ترقى

قابليت اجتماعيه ي آرتير مق يولنده

بر گن بك تجربه لرى

(نهم وورث زواعت و مستعمره قوئلنده ايكنجى اوچ آى)

استانبول

مسلك اجتماعى مؤسسه علميه سى

غلطه ، رومان خانى ، ايكنجى قات .

هلال مطبعه سى

اصلاحات حرکت کننده حقیقی بر ترقی

عثمانی هیئت سیاسی سه وجود ویرن تشکیلات عسکریه نك اسباب
اجتماعیه تأثیری آئنده انحلاله باشلاماسیله آجیلان تاریخ اصلاحاتمزاوزرنده کی
تدقیقات ؛ دور استیلانك قدرت و رفاهتی ، تشکیلات قدیمه بی دوام
ایتدیرمکه اعاده ایتمك ایسته یین ایلك اصلاحاتخیلرله بو تشکیلات یرینه بر
(هیئت قلمیه - بوروقراسی مرکزیت اداره سی) اقامه ایدر ك تأمین سکون
و رفاهه چالیشان تنظیماخیلر ك ، تغلبه آنارشی اده سنده بوجالیه رق داخلی ،
خارجی سکون و آسایشی تأسیس ایده مدکلرنی بزه کوستریبور .

اوزون تجربه لرك و یردیکی منفی نتایج ، اصلاحات حرکت کننده حقیقی
بر ترقیه احتیاج تولید ایتمش ایدی [۱] .

بو ترقی ، صباح الدین بلك هر درلو مشکلات و مهالکه رغماً ربع
عصره یاقین بر زماندن بری دوام ایدن فکری و فعلی مساعیسنده
تجلی ایدر .

بو مساعیدن طوغان و مسئله 'اصلاحاتك علمی طرز حلنی کشف ایدن
(مسلک اجتماعی) صباح الدین بلك افکار و قناعت شخصیه سندن عبارت
بولمایور ؛ مؤسس بر علمه ، علم اجتماعه استناد ایتدیکی ایچین بو علمه

[۱] مسلک اجتماعی مجموعه سی ، ۵ نجی جزء ، اصلاحات احتیاجی .

تملك ايدنلر طرفندن تعميق و توسيع ايدلمكده ؛ ارباب تشبث طرفندن حيات عليه به كچيرلمكده اولان مترقى بر ذهنت اصلاحيه ني ، ولود بر جريان اجتماعي ني افاده ايدور .

في الحقيقة جمعيتى تنظيم ايچون جمعيات بشريه ني تحليل ، تصنيف و مقايسه ايله قوانين اجتماعيه ني استخراج ايدن ، كرك شخصى كرك اجتماعى صلاح بوللرني كوسترن بر علمك دلالتنه قطعى بر احتياجه محتاج بولنديغمزى تسليم ايتيمك قابل دكلدى . حتى علم اجتماع موجود اولماسه اونى تأسيس ايتك مجبوريتده ايدك .

علم اجتماعى وجوده كيرمك ايچين فره دريق لويه ايله باشلايان مساعى هائرى دوتورويل ، ادمون دهمولن ايله رفقاسى طرفندن تعقيب و توسيع ايدلمشدر . علم اجتماع اصولى و كشفياى ، قانونلى و تطبيقيله موجوددر . علما و متسببى مساعيرينه عين اصول ايله دوام ايتمكده درلر .

ادمون دهمولن كندندن اول كلن و برابر چالیشان ارباب تدقيقك ادخار ايتديكى تايلات علميه ني ترتيب و تركيب ايتمكده كوسترديكى موفقيت ايله علم اجتماعك تاسيسنده مهم و مستثنا بروظيفه ايفا ايتمشدر . فقط اشتهاى تايمين ايدن شى ، نتايج علميه ني واضح اولدينى قدر جاذب و جالب دقت بر صورتده انظار عاميه عرض ايدن اثرليدر . بونلرده تجلى ايدن خصوصيت مسائل اجتماعيك علمى بر اصول ايله مطالعه ايديله بيلمسندن طوغيوردى . فقط (آ نغلو - ساقسونلرك اسباب تفوق نه در ؟) ، (يكي تربيه) كچي اثرلرينك آرقه سسنده طوران علم اجتماعك موجوديتنى قارنلرك اكثرى فرق ايتيوردى . برده علم اجتماعدن بحث اولندينى زمان بعض ذواتك بونى دهمولنك افكار شخصيه سندن عبارت ظن ايتمه سنك سببى بودر . بو خطانك توليد ايتديكى ديكر فاحش برخطاده (مسلك اجتماعى) ني (دهمولن برنسيپلرى) عد ايتكدور . مسلك اجتماعى برنسيپلره دكل بر انبات علميه استناد ايديور . ديكر طرفندن في الحقيقة دهمولن علم اجتماعك فرانسه ده مسائل عموميه به تطبيقيله ده اشتغال ايتدى . فقط علم اجتماعك توركيه مسئله

اصلاحاتنه تطبیقى ایله فرانسهدە تربیه مسئلهسینه ، فرقه لرك فعالیتنه یاخود فرانسه تجارت خارجه سنك انكشافى مسئلهسینه تطبیقى یكدیكرندن تماماً آیری شیلردر . چونكه زمین تطبیق تورکیه و فرانسه کی ایکی آیری محیط . آدمون ده مولانك بو مساعیسندن بزم ایچین چیقاریله حق معنا علمك فائده عملیه سنی تطبیقائیله اثبات ایتمش اولسیدر .

مسلك اجتماعى مؤسس محترمك كچن سنه انتشار ایدن (تورکیه ناصل قورتاریله بیلیر ؟ مسلك اجتماعى و پروغرامى) نامنده کی صوك ائرنندن عیناً آتی به نقل ابندیكمز فقره لرده کوستریورکه ، (مسلك اجتماعى) علم اجتماع تورکیه مسئله اصلاحاتنه تطبیقندن طوغان بر ذهنیت اصلاحیه در .

• مملکتیمزك هر طرفنده شدتلنه کلن بر احتیاجك وضع ایتدیکی ، فقط اداره جیلرمنك حلتنه بر درلو موفق اوله مدینی مسئله اصلاحاتی ، علم اجتماعى مسئله اجتماعیه مزه تطبیق ایله ، حله یوروین (مسلك) له عملی بر ترکیب اجتماعى حصوله گلش اولیور ! بر اصلاحات پروغرامى یا مقده اساساً بر ترکیب اجتماعى وجوده کتیرمکدر . بوايه انجاق بر سلسله تحلیللادن طوغه بیلیر . دیمك كه تحلیلك بولمیدینی بر زمینده ترکیب ده بولنه مامی ضه وری . حالبوکه شمدی به قدر تنظیم ایدیلان والآن ایدلمکده بولان اصلاحات بروژه و پروغراملری علمی تحلیللردن چقمه عملی بر ترکیب دکل فقط عندی و بوتون سطحی بر نقطه نظر محصولی !

• بر جمیتی و قوای عمومیه سنی اصلاح ایده بیلیمك ایچین ایسه اولواو جمعیتك (تشكىل اجتماعیه سنی) طایمالی و تشكلات سائره ایله آره لرنده کی فرق تعین ایده بیلیملی ! . . . بونی یایمان اصلاحات پروغراملری یا مقه قالمشوق دومنسز بر کی ایله سیاحته چقمه دن بشقه بر شیئه بکیزمز ! .

مسلك اجتماعى پروغرامى - اصلاحات استقامتلى

• مسلك اجتماعى ، شرق ایله غرب آره سنده کی بارز فرق اسبابی ،

حیات ماضیه و حاضرہ لری اوزرنده کی تحلیللات واسطہ سیلہ ، تعیین و بوجہ بتلری یکدیگریلہ مقایسہ ایدن علم اجتماعک کشفیاتی نظر دقہ آلیور :

تفوق اجتماعینک هانکی تشکله اولدیفنی - بوتفوقی چیقاروان جریان اجتماعینی تعیین ومتدنی تشکل اجتماعی جریانیلہ مقایسہ ایله اثبات ایتدکدن ؛ متفوق جریان اجتماعینک مولد اصلیمی انکشاف فکری دکل ، بر (استعمار زراعی) ، تثبیت شخصی و تملک خصوصی نی وجوده کتیردن و صنعتله تجارتک متسللاً انکشاف تامنی احضار ایدن برطرز مخصوص استعمار اولدیفنی قید ایلدکدن صوکره بحران اجتماعیمزک اسبابی وحلی و سائلطی بولمق ایچین اصول علمی ایله مسائل اجتماعیمزی تحلیل ایتک سایه سنده بوتظاہراتک کافه سنه حاکم اولان (تشکل اجتماعیمزی) و تشکلات سائرہ ایله آره سنده کی فرقی بولهرق اصلاحانده تعقیبی لازم کلان استقامتتری تثبیته موفق اولیور . [۱]

زمان زمان حرب و تهلکۀ خارجیہ شکلنده تظاہر ایدن سیاسی بحرانلرمز عصرلردن بری دوام ایدوب کلن و کتدجکے توسع ایدن داخلی بحرانلرمزدن نشأت ایتکده در .

موجودیت سیاسیہ مسئله سی حالنده اک حاد بر شکله گیرمش اولان بحران حاضرده شہمیز اوله !

صدمات خارجیہ نک تأثیراتی سیاسی تدبیرلرله موقه تعدیل ایتک صوک زمانلره قدر ممکن اولمشدی . بوکونکی وضعیت ایسه ، بحران داخلیمزک حقیقی عواملنی و حل ایچون لازم کلن اک امین و سائلطی تعیین ایتکمیزین صرف سیاسی و موقت طرز حلارله نه خارجی تهلکینی دفع ایتک ، نه ده استقبالی تحت امنیتہ آلمق ممکن اولدیفنی بوتون قوتیلہ اثبات ایتکده در . استحصال و تنظیم قوتلریله مجهز ضرب جمعیترینک نفوذ سیاسیلریله استادکاه اولان فعالیت اقتصادی و بونلرله مترافق مناسبات اجتماعیدن

[۱] توریکه ناصل قورتاریله بیلیر ؟ - مسلک اجتماعی و پروغرامی .

متولد تاثيرات ياشاماقده اولديغىز قابل تحويل و مستعد تكامل زمينى يكي احتياجات و يكي شرائط حيايه ايله تحويله باشلامش بولونيور .
عائله ده ، ايش باشنده ، حيات عموميه ده كي جماعتلى تزلزله اوغرايه رق بوكون بالخاصه شهرلرده و حكومتيجي زمره آره سنده افرادى مادي ، معنوي استادكاهلردن محروم براقق صورتيه نتايجي تظاهر ايدن بوتحول - ايش جياستنده ، افكار ، اخلاق و تربيه مزده ، حيات عموميه ده - يكي احتياج و يكي شرائطه تشكىل ايتمكده اولان (يكي محيط) لازم كان قدرت و قابليتله اوبه مامقندن متولد بخرانلر توليد ايتمشدر . [۱]

بخرانلر قطعى بر انقلابه دلالت ايتمكده : شهرلى ، كويلي ، بوتون عائله لر مزي تهديد ايدن بو انقلاب ، (عائله وسى تشكىلاتمزي) باشدن باشه زير و زبر ايدمك ماهيته در .

بومدهش تهلكيه قارشى يا ، متين بر قدرت استحصاله ايله تجهيز ايدرك يكي محيطه اوبه جغز ؛ ياخود سوربلوب كيده جگزر !

وضعيتي لهمزه تبديل ايچين ، موجود قوتلر مزي بشريتك طريق تكاملنى تعقيب ايدمك بر طرزده استحاله ايتديرمك ضرورى .

سى زراعى به طايانه جق عائله لر واسطه سيله حصوله كيتيريله بيلمسى ممكن اولان بو استحاله ني تايمين ايچين :

مشترك سى و نتيجه سى اولان مشترك تملك ايله عيالى بر شكلده اجرا ايديلن ؛ او جهته ده بوكونكي يكي احتياجلره جواب و برمه ين (زراعت حاضره من تشكىلاتى) يرينه تجارى برزراعت مشكلاتى اقتحام قابليتني ويرن سى شخصى و تملك خصوصى به دوعرى تكاملى تسهيل و تايمين ايدمكك بر (صحات مرقبه تشكىلاتى) اقامه سنه تشبث ايتمك لازم .

بوكون قومونك اكه مهم بر قسمنى - جمعيت مزي اضمحلان قورتاره جق و حياتمزه يكي براقق استقبال آجه جق اولان - بو مسئله اوزرنده تكتشف ايتمك مجبوريتنده يز . چونكه شرائط حاضره داخلنده ابتدائى برشكلده

[۱] مسلك اجتماعى مجموعه سى ايكنجى جزء ، دور بخران ناصل قاپانه بيلير ؟

قالمغه یا حدود انقراضه محکوم اولان صنایع و تجارت مزك انكشافی ده زراعت مزك انكشافه مربوط .

موضوع بحث اولان (صحابت) ی وجوده کتیره جک عاملر محیط اجتماعیمزده موجوددر :

۱- اکثریتله قصبه لرده ، شهرلرده اقامت ایدن (اصحاب اراضی عائله لریمز) !

بونلرک ، چفتلکری داخلنده ، نازلاری اوزرنده کی سی زراعی یی بالذات اداره یه تشبیه طور اغه داها زیاده یا قلاشمه لری ؛ و بوضو رتله کندی اراضیلری داخلنده و جوارلرنده بولونان کوچوک چفتیجی عائله لره قارشی کرک حیات خصوصیه لریده ، کرک حیات عمومیه ده داها صمیمی ، داها فعال بروطفیه درعه ده ایتملی ممکندر .

۲- (بو عائله لرک ، قیز وارکک اولادی !) تشکیل ایده جک کری عائله لره عین حیات مساعیده داها مستقل و ترقی بروطفیه ایفایی ایچین (تربیه انفرادیه و فعاله [۱]) ایله تجهیز اولونمایدیر .

۳- انقلابک شداندیله شیمیدین قارشیلانان صرف شهرلی مأمور ، صنعتکار و تاجر عائله لره منسوب قیز وارکک کنج لرکده عین تربیه ایله تجهیز برحاله تشکیل ایده جک کری عائله لره مملکتیمز طور اقلرینک (تشبث و تملک شخصی ایله استعمار زراعیسنه) طوغری برآن اول یورو ملری ؛ هم خلاص و استقلال شخصیلری ، هم ده استقلال ملی و اقتصادیمز نقطه نظرندن بر ضرورت مبرمدر [۲] .

درعه ده ابتدکری مسئولیتک اهمیتکی مدرک اولان بو (مستعمر عائله لری)

[۱] انفرادی تربیه حقنده مقالات نشر ایدیله جکدر . بوتربیه نک مستعمریتشد بزمک اوزره مملکتیمزده طرز تطبیقی : مملک بروغرامی حیات خصوصیه اصلاحاتی - استقامت اساسیه .

[۲] عین مقصد وصول ایچین امریقا محیط زراعیسنده بر استحضار دوو ده سی کچیرمکده اولان مسلکده اشلریمز مهم موفقیتلر استحصال ایتدیلر . بر قاج آبی اول بورادن حرکت ایدن دیکر برکنجده آمریقادیه کی رفقا سنه التحاق ایش بولنور .

و انجق بونلر ، كويلى عائله لرله آره لرندە باشلايه جق زراعى ، اجتماعى مناسبتلرله ، محيط زراعيمزى يوكسانته جك (طبيعى و حقيقى بر صحابت ك)، و قابليت لازمه ايله اداره يه اشتراك ايده جك (قواى محليه) نك اساسلرني وضع ايده بيليرلر [۱] .

ايشته ، توركيه نده حيات خصوصيه نك حيات عموميه يه تفوقى اوزرينه مؤسس يكي بر مدنيت !

بو مدنيتى وجوده كتيرمك ايچين حيات خصوصيه نك انكشافى يولنده اجرا ايديله جك تشبثات حيات عموميه ده هم آهنگ اصلاحاته برابر يوروملى . حيات عموميه ده كى اصلاحاتك اساسى : حيات محليه نك فعالته كتيرلمسى در . بو ، يكنسقى و نظرى تشكيلاتله دكل ؛ بلكه اداره يى احتياجات محليه يه كوره تنظيم ايله تأمين اولنه بيلير . اداره نك احتياجات محليه يه اويه بيلمسى هم اداره اركاننى ممكن اولدينى قدر محلى حيسانده ارايوب بولمى و هم ده تشكيلاتى مصالح محليه نك ايجابانه كوره تنظيم ايجابه ي ايجاب ايدر .

ملكتمزك بعض جهتلرندە حيات استحصالده كى مناسباته همجوارلرينك بلا استثنا حرمت و اعتمادنى قازانه رق تميز ايتمش اولان بر طاقم ذوات موجود . موجوديتلرى مشاهداته تأيد ايدن بو شخصيتلر حيات محليه ده اهمالى جائز اوليان بر موقع اشغال ايديورلر . انضباطه ، احقاق حقه حق و ير كيرك جايانته متعلق بعض خصوصياتده كى تأثيرلى قابل انكار دكل . تأسيسات دينيه و خيريه يه ، معارفه و يوللره متعلق ايشلرله ده علاقه دار اولمقده درلر . ايشته ، منافع محليه نك اداره سنده مسئوليت درعه ده ايده بيله جك اركان محليه !

[۱] مسلك پروگرامى ، مستعملرى يتيشدره جك و بونلر ك طور اعه برلشميرنه دلات ايده جك تشكيلاك مستقل اولمى لزومنى ؛ فقط حال حاضرده قواى عموميه نك مظاهرت ماليه سته احتياج بولندينى قيد ايديور . (حيات خصوصيه اصلاحاتى - استقامت اساسيه) . عين تشكيلات طور اعه برلشن مستمر عائله لرله مناسباتى ادامه ايده رك استعمار حركته مظاهرت ايتلدير .

تشکیلات اداره ؟

مرکز دن ویرله جک امر لری مملکتک هر طرفه توزیع اساسنه کوره دکل ؟ هر معین ایشه مقابل صلاحیتی و بناء علیه مسئول بر اداره هیئت تشکیلات ایتک نقطه نظر دن وجوده کتیرلملی .

مصالح عمومییه بر کل حالنده تالی ایدیلرک طویدن بر هیئته تودیع اولنه جق یرده ؟ نوعی ، وسعت و مغلقتی اعتباریله آیریلرسه ایشلرک اک موافق محله بولنان واک اهل اولان هیئت لر طرفدن صلاحیت کافی و مسئولیت لازمه ایلدر عهد ایدلسنه یول آچیلر . و بو صورتله . کویده ، قصبه ده و شهر لرده بولنان مختلف اداری قابلیت لردن اعظمی صورتده استفاده امکانی حاصل اولور .

اصول مرکزیتک چیقاردینی یکدیگرینه متسلسلاً تابع صلاحیتسز ، عاقل ، غیر مسئول و بالنتیجه اختلال طوغوران بو کونکی (اداره هیئت لری) یرینه هم آنهک اوله رق اجرای فعالیت ایدم جک متشبت ، صلاحیت دار ، مسئول و نتیجه انضباط و انتظام یاشانان (بو هیئت لرک) اقامه سیله قابلیت تنظیمیه و فعالیتدن محروم اولان (مرکزیت) دن قابلیت تنظیمیه و فعالیتله مجهز (عدم مرکزیت) ه طوغری طریق تکامل تعقیبه تشبت ایدلمش اوله جق [۱]

خلاصه (مسلک اجتماعی) اصلاحات احتیاجی تحلیل ایدم بیله جک و اوکا کوره ایجاب ایدن تداییرک تعیینی ممکن قیله جق بر اصول علمییه تملک سایه سنده اصلاحات حرکتده حقیقی بر ترقی تأمین ایدیور . و محیط اجتماعیمزک حال حاضرینی مبدأ اتخاذ ایدم رک موجود اولان شرائطی بشریت مترقیه نیک تکاملی استقامتده استحاله ایتدیرم جک فعال و متبادی بر حرکت اصلاحیه تولید ایدیور .

عمر عادل

[۱] مسلک پروغرامی : حیات عمومییه اصلاحاتی - تعقیب ایدیلرک استقامت .